

應試詩法淺說

應試詩法淺說詳解 卷五

古東郡跋奚葉葆評註

本朝試律

典制二十  
首八韻

野人獻日

林人槐

題事屬不經。然既以之命題，自須寫出。他一段愛  
解日之誠。求有負。曝祇好用。映帶寫更不必枯煞。

莫以晴簷暖而忘廣厦寒。出耕皆帝力。舉首即長安。既念  
求衣切。寧私炙背歡。孤葵傾影好。寸草報暉難。毀野雖殊  
地。喧和總恁般。採芹知共獻。負襁即同看。誰戀千金賞。惟

言言言言  
一寸丹鳳樓光五色更照萬方寬

箋列子有田夫曝於野美之不識廣廈綿續之屬謂其  
釋妻曰吾負日之暉以獻吾君必獲重賞。晴舊切野  
人廣廈切君上。堯時有老人歌日出作入息耕田鑿井  
帝力於我何有哉晉明帝答武帝曰日遠長安近南史  
梁武帝詔曰夜分求衣。灸即曝也。葵藿傾陽花開必向  
日。暉日光也。孟郊詩誰言寸草心報答三春暉。恁般猶  
一般。恁音飪。俗言如此也。食芹而美取以獻君。係宋  
野人事。亦見列子。寸丹猶言赤心。一片也。五色謂日  
疏起韻渾破題義。額聯借扣日字題面。是虛籠大義法  
義提比用陪筆清出獻字。中比兩聯。一用葵影春暉。映  
合日字。正疏獻字。一用異地同暖。反託獻字。後比引獻  
芹負暄作觀筆束比又翻入一層。末就日光普照遍及  
萬方。翻照本題作結。按前後次第。無論六  
前八韻同一章法。無論景物典制皆講理路。

評起結命意既高連筆更飛動有勢額聯點化成語  
註妙極自然孤葵一聯寫獻字正義妙能映帶日字

# 登春臺

胡紹鼎

題諸子多半喻言此題若不解是借比萬民  
解熙熙氣象則題義不明並題面亦醒不出

帝澤如春渥祥和貫九垓天開仁壽域人在聖神臺暖日  
資游騁融風化甦坏義皇新歲月區宇大周回攜得衢尊  
上歌將擊壤來有生皆遂養無地不歡怡應瑞三堦正爲  
圖四表該青旂遙倚處調鼎御雲杯

箋老子萬民熙熙如享太牢如登春臺垓音該淮南  
釋八極之外曰九垓杜詩八荒開壽域老子心爲聖神

台驛音逞直馳也。孰音熱破瓦也。淮南既陶天下者其和平。剛則輒柔則坏。坏土疎不枯也。南康記雲都君山有玉臺周回数丈。淮南聖人之道猶中衢而設尊。過者斟酌各得其宜。帝王世紀堯之世百姓無事有老人擊壤而歌。哈音台笑也。韓詩笑言溢口何歡。哈泰塔者天之三塔也。書光被四表迎春東郊用青旂。宋之問詩青旂遙倚翠春臺。御進也。李商隱詩玉樓長御白雲。托。凡押險韻須有來歷。如此詩坏字哈字是也。疏起從帝澤探源說來。明破春字。下乃承明登台遊驛義貼登。孰坏貼台。暖日融風仍帶定春字。義皇一聯映合台字。說得闊大。揭得一聯。觀貼登字。寫得跳脫。有生聯中明題義應瑞聯借映台字。以作束筆。末仍切合春台作結。御雲杯卽暗用享太平意。

註春臺須寫得闊大。方稱題面。登台須寫得歡。註折方肯題神。詩直傳得萬民熙熙之氣象出。

衛尊

夏之蓉

題面是中衢設尊題義是斟酌得宜此喻題不

醇化天膏渥瑤尊列廣衢香分千日澤人賜十年醕流出

丹邱瓊分來筵脯厨八荒皆挹注大氣互沾濡酌亦均中

下宜知叶聖愚春風鄉廣大斜日醉歌呼器道名難似卮

辭理不誣公堂歡萬壽更繪獻觥圖

箋淮南子聖人之道猶中衢而設尊過者斟酌多少不

釋同各得其所宜醇化天膏皆指帝澤說尊酒器瑤

謂以玉爲之廣衢通衢也

有酒一醉千日漢文帝時下

詔賜民牛酒醕五日丹邱國名黃帝時獻寶瓊堯時猶

有甘露在其中。又玉甕不汲自盈聖人之瑞也。帝王世紀。稱堯厨有蒲筵。搗則生風。挹注沾濡。貼尊說。卽斟酌意。入荒六氣。貼衡說。卽遍及意。稷米得酒爲中樽。粟米得酒爲下樽。又酒以色清味重者爲聖墨色醲者爲愚。鄉廣大疏。欄字醉歌呼。疏尊字大道不器見禮。扈言日出見莊。躋彼公堂。稱彼兕觥。萬壽無疆。見詩。邠風。疏首句先透正義。二句點明題字。承寫大意。字字典切。義丹邱筵脯。特爲尊字作點染。八荒六氣。特爲中衢作推闡。酌均中下。疏斟酌得宜意。更極雅切。春風一聯。全題在握。寫得酣足。器道一聯。乃收轉取喻之意。特用器字。扈字。映照尊字。末用頌聖。公堂是從衢字。生情。兕觥是從尊字。生情。固無一字泛設也。

評衢字須說得濶大。尊字亦不得說得窄小。詩會題義註。善從大處着筆。而題字祇用映帶法。故筆筆雙關。題義題面無一不醒。無一不透也。

賞以春夏

張若霍

**題**春生夏長賞以此。見順時之義。  
**解**不道清此義作詩便無根由。

無私皇建極以德賞乘時解是勾萌後心於長上聲養宜春

語更潤大

臺天廣大夏屋地平夷雨共蒼旂灑風將玉軫隨窮簷添

粟廩幽谷出蘭枝野聽去聲啼花鳥人歌擊鼓詩融和成玉

點○綴○亦○好○

燭流澤似備卮璇柄欽遙執淵居正受釐

**箋**左傳賞以春夏刑以秋冬。書皇建其有極。解易卦

**釋名**。大象雷雨作解君子以赦過宥罪。三禮義宗。夏大

也。養萬物使長大也。老子熙熙然如登春台。法言震風  
凌雨。然後知夏屋之為帡幪也。月令孟春之月天子載



詩法淺說

卷五

本朝典制

四

塾課定本

青旂玉軫琴也。用舜歌南風事。切夏賞典莫大于恤民。禮賢窮簷兩句分貼教養。舉大者兩條以例其餘也。爾雅四時和謂之玉燭。衡厄卽用淮南子。衡尊事釐予也。書釐上帝之景命。謂受福也。

**疏**爲政以德。入手從德說入。極得主腦。承聯暗貼春夏義三韵。乃明點春夏寫賞字。潤大。四韵借風雨比賞字。

兩句分貼春夏五韵。寔寫賞字。言提其要用筆有法。大韵從賞後摹寫時景。亦復不俗。七韵乃收足。用玉燭東春夏用衡尊束賞末。乃從賞字對面。高一層作結。

歸到順時受福。尤爲得體。頌聖有識。命意更起。

**評**頌聯真道得題義。透以字乃出。題義先暗透。題字又

**註**借醒。無不工妙。○春夏分貼不易。賞字寔發尤難。此詩惟二三韵用正鋒。以後貼春夏用風雨作開合。賞字借教養作指點。後又就人物土摹寫。皆詩家討巧法也。

開四門

張垣

**題**題是闕門。不醒題字。之說登賢別題亦解。可移用。欲走窄路。只一扣。題醒字法耳。

聖德先詢岳。皇衷繼闕門。聽卑天誅盪。方聚士殷繁。闕闔隨風啟。春明映日暄。雲開新竹箭。江出舊瑤琨。申甫生西嶽。文昌映北垣。衢平招乘去。集階闕拱星。尊朋黨銷寰宇。旁求重愷元。九重平聲今側席。廷陞有昌言。

**箋**虞書舜典。詢四岳。闕四門。聽卑喻言下問也。誅音釋迭。誅盪天體堅清之貌。漢樂府。天門開。誅盪盪。方聚四方之士咸聚也。殷繁衆多貌。紫微官門名。闕闔。又八風有闕闔風。春明唐城門。唐實錄。燕於春明門外。文選。質映南金。才逾東箭。詩維岳降神。生甫及申。文昌星在斗北。映紫微垣。逸詩翹翹車乘。招我以弓。取求賢之義。

星拱取四面旋繞之意塞朋黨之門見戰國策足闢字之義左高辛氏有才子八人謂八元高陽氏有才子八人謂八愷側席求賢也書禹拜昌言。乘去聲。

音政車乘也平聲音繩駕而登也勝也在蒸韻。

疏起用明破先以書上句陪出聽卑句承門字方聚句

義承四字闢闔一聯寫闢字以下鋪叙四門東用東箭

事南用南金事西用岳降事北用星垣事上聯暗點東

南下聯明點西北筆不板滯對尤活變後又用衡平階

潤襯門字用朋黨旁求足闢字

更極正大末以頌美本朝作結

評是闢門是闢四門中間用分敘乃見清楚如六事廉

註為本題六事須分還四時為柄題四時須分還此定

法也。中間分還四字何等清楚妙在恰又映到

人才前後着筆亦無句不是是門無句不是闢也

中和節進農書

觀保

**題**題重在進字。見君臣同一重農之意從此發揮。方得主腦中和節祇畧作點逗可也。

候值農祥正謨陳黼座徐聖賢同弼直今古一菑畬帝曰

○以○文○言○入○詩○妙○絕○

來咨汝臣言實啟予松軒勤拂拭蕙冊用攄舒採入豳風

畫分成月令疏杏花函內景桑葉卷中居質矣間闔業欽

○祝○臨○好○

哉御府儲告成欣萬寶至德遍耕鋤

**箋**農書者載農政之書進獻也。唐史李泌傳泌進農書

**釋**請以二月二日為中和節。農祥房星。立春日晨見

南方。弼輔也。直正也。書維幾維康其弼直。田不耕曰菑

三歲曰畬。攄舒也。離騷序攄舒妙理。詩民之質矣。日用

飲食書欽

詩欽哉

疏先破中和節。再入進書。承用渾寫法。清出大意。帝曰。義一聯轉到纂註農書。是敘事法。松軒聯寫進農書。採入聯。借郊風月令。襯寫農書。杏花聯。以中和節景物入農書內。作點染貨矣。聯取束亦清。末用推開作結。評敘述題法。與獻賢能書畧同。而時事與舊典。語註氣畧有側重。故篇內帶敘鄴侯。多作稱頌語。

鄉老獻賢能書

程夢元

題三年大比。須敘得清楚。獻書解于王。須寫得典重。方稱題。

禮重賢能職。王登鄉老書。三年臣草莽。一旦品瓊琚。册是泥金簇。名原澹墨舒。鄉誠為善士。府必在天儲。遴選崇先達。公誠慎。假譽名經。雖號佛。稱孝已。聞聞天靜秋。騰鶚門。

高暖躍魚盛朝占彙吉肯負雨風廬

箋周禮地官三年則大比考其德行道誼而與賢者能  
之登于天府。○開元遺事新進士及第以泥金帖子附  
家信謂之泥金信筆錄進士榜粘黃紙四張以淡墨題  
筆書鄉大夫先儒以為三公致仕家居者故曰先達鄉  
陽上書豈假宦于朝假舉于左右撫言唐張俦捧登科  
記頭上戴之日此千佛名經禮記州閭鄉黨稱其孝也  
○輕重之重去聲音伸九重之重音蟲平聲朝音潮  
疏起韵完題次韵承明三年大比三韵點染書字四韵  
義疏鄉老獻書登之天府五韵寫獻書之鄭重六韵寫  
足賢能七韵借作比喻  
未以推開自負作結

許對起工整典制題須如此沉着用筆方不涉輕佻三  
註年一聯妙在渾脫絕不拈敘泥金澹墨祇為書字作

點綴善士天府一聯乃實疏正義也先達假譽寫得正大名經孝行以進士榜視荐舉恰是周禮此條事

幽風圖

張九鎰

題是圖非詩題中幽風字可用鋪叙圖字可用解點染較無逸圖題之實疏正義尚好著筆

講幄廢風什雲屏繪古幽請看勤苦業俱是太平民淡抹原如繡濃鋪屋似鱗牆桑連露翠籬棗映星銀鶯入綠中黛人低卷上皺桃源非魏晉杏縣即朱陳無逸編同進知艱事更新嘉禾與瑞蘭更寫獻楓宸

箋幽風謂陶風七月篇周公欲使成王知稼穡之艱難得乃使瞽瞍朝夕諷誦之後世賢君每繪此為圖請

幄雲屏。楓宸俱切。皇上說淡抹濃鋪。繡中卷上俱切圖說。原屋桑棗。驚人俱切。幽風說繡音兼絹也。效音透皮細起也。畫山石人物有效法桃源。用陶潛桃源記。不知有漢無論晉魏語。杏縣用白居易詩。徐州有豐縣。其村曰朱陳。無逸書篇名。書序唐叔得嘉禾。異畝同穎。後漢建武二年。野蚕成繭。疏用頌揚體起。先點風字。次清幽字。圖字請看聯渾承義。大意題蘊已透。以下六句。原括詩語。俱為圖字作鋪叙。寫原野屋廬。寫樹木。寫人物層層入畫。桃源一聯又借圖作襯貼。無逸聯束題。末用進一層作結。評繪此為圖。正見重農之意。起用頌揚。恰合體裁。三四註句尤道得題義。醒筆致生動。乃爾。韓愈有桃源圖宋時畫有朱陳嫁娶圖。蘇詩我是朱陳舊使君。勸農曾入杏花村。是聯正為圖字作襯貼。非泛拈也。點染鋪叙。耕織圖題亦可用之。而中間耕織又須句句分。配方為得法。學者細玩前編。審題一則隨題變換。自然有得。



三幽吹簫

劉亨地

**題**吹簫有用處。三幽有着落。典。  
**解制題第一。**要清晰。最忌蒙混。

農事傳周簫淳風尚在幽典懸三朔始調八四時勻寒暑  
宜中氣寅賓肅仲辰以方祈澤普為蜡報功新俱導艱難  
業同吹浩蕩春鼓喧花外路酒醉社前人奏響偕琴瑟成  
民用鬼神願將圖畫獻歷歷頌皇仁

**箋**周禮籥章掌土鼓幽簫中春掌吹幽詩以逆暑中秋  
**釋**夜迎寒亦如之。祈年田祖吹幽雅以樂田畯祭蜡吹  
幽頌以息老物。按鄭氏三分幽風七月之詩以當之。朱  
子謂以楚茨大田諸篇為幽雅。載及良耜諸篇為幽頌。

者近是。周禮正月始和之吉，懸政教之法於象魏，文  
實典正月元旦亦名三朔，方秋祭四方，報成萬物也。詩  
以方以祉，蜡祭在秋成以後，邪風七月周公所作，欲成  
王知稼穡之艱難也。詩琴瑟擊鼓以迓田祖，左先成民  
而後致力于神，陸都刺詩為我獻上幽風圖。

疏起用倒破承聯上句虛視下句，總冒三幽以下分叙

義寒暑二句敘幽詩依逆暑迎寒意合寫以方兩句幽

雅幽頌分寫俱導兩句又用總寫以風貫入雅頌內清

出吹字手法甚活吹喧兩句用襯寫景方不寂枯奏響

二句束全題末以頌聖作結凡中有數項題中聯必

須分還方清楚或單或雙對杖要工又要活忌錯亂忌

帶板

評逆暑迎寒樂田峻息老物還他清楚風雅頌還他青

註落而三項配合搓對處絕不板滯尤見筆仗之活錄

開四門並此作爲分疏人式  
法而隅反在人不能類矣

農祥晨正

全魁

**題**此題若不識是立春時令則農祥字先認不清  
**解**即晨正亦何謂也故題須認清來歷方好下筆

彩仗迎郊曰蒼圭禮地農祥星初燭漢農候正逢春彩向

明堂見光因木德陳條風初兆甲暖旭漸開寅振蟄蘇膏

壤勾龍主上辰鳥啼林外樹鼓競社前人千畝青圻渥三

推黛耜親順時頒惠政豐稔肇斯民

**箋**國語農祥晨正土乃脉發註農祥房星晨正謂晨見  
**釋**南方立春之日也。彩仗旂屬戟華純麗立春日官

更各以彩仗擊土牛以迎春蒼圭蒼玉製為圭用以禮地見周禮祥星謂房星燭明也房為明堂見天官書立春之日盛德在木見月令立春則條風至蟄謂蟄蟲振振也勾龍能平水土祀以為社見史記元日日上辰折同畿江總賦列翠幕于青圻黛韞天子籍田所用月令天子三推庶人乃終于畝

疏先從立春說起清晨字下乃承明農祥字字清楚彩義向一聯切定立春正寫晨正條風一聯觀寫晨字振蟄一聯申明寔義寫啼一聯點綴時景于畝三推說到耕籍題中農字愈覺鄭重末乃以順時布政作結評點次清楚疏寫切寔筆意更極生動有致典制題僅註見之作典制題字眼忌填湊句調忌板滯看此又自然又流動熟玩此等詩筆姿自然長進典制題不知出處大是難事丁人可先生詩賦題解一書洵足津梁後學但祇為箋明字義尚未完備容稍暇為之逐題添解成詩賦題講義一書以為初學拈韻速成之助

稼穡維寶

林人樾

題不拈定寶字。便不扣題。然非捏合。到稼穡中說解。即雜陳珍異字。無當也。欲求扣題。在開照得法。

重本勤耕歛。升華在陌阡。花如開寶樹。金卽是昆田。不素塵三百。其陳歲十千。春生犁玉地。人誦雨珠天。瑞自無貧結。財因有道全。堆時疑作府。暖處或生烟。遍野羅珍異。盈倉話大年。皇心仍節儉。儲孕自綿綿。

箋題句出詩大雅桑柔篇。述異記崑崙山有寶樹。開花如粟。漢武帝詔曰。朕禮百山。昆田下出珍物。或化爲黃金。詩伐檀篇。不稼不穡。胡取禾三百廛兮。彼君子兮。不素餐兮。甫田篇。茂收十千。我取具。註十千一歲。

之田。陳舊粟也。犁玉用藍田種玉事。蘇文使天而雨珠  
寒者不得以爲禱。堆時句用羣玉府事。暖處句點化藍  
田日暖王生烟語。雨露之雨上聲。自上而下曰雨。音  
遇。從去聲。此與善惡好惡等字。各有兩音。兩義者同。  
疏一起暗破稼穡。下卽承情維寶。不素聯緊切稼穡寫  
義實字。春生一聯點染實字。瑞自一聯發明題義。堆時  
一聯扣嵌題面。通野聯收束全題。末用高一層作結。  
評是稼穡是寶雙管齊下。寫來面面俱圓。是善用閑照  
註法者。不素其陳。點寫詩詞妙用。三十百映合實字。  
尤爲大雅。春生一聯亦簇簇生新。運用成語入詩。是  
新花樣。是出色法。但恐涉腐。又怕生硬。惟心靈手敏人。  
則俯取卽是着手成春矣。典制題賴此是解脫  
法。此編所選多錄合時之作。讀者其詳味之。

## 東觀讀未見書

張九鐔

**題**此題徒誇東觀儲書之富。于題義何涉。處處從解。未見字着想。則詔讀之恩。得讀之幸。俱見言外。

東京儲第一南國士無雙。詔讀恩何重。來觀氣已降。此時

深似海。昔日淺於江。天地羅圖幀。星辰帶壁釭。讀時藜吐

火。勘向日橫窓。修綆方深汲。微莛豈可撞。地依新雨露。身

帶舊蘭莊。報國詞章富。龍文筆更扛。

**箋**漢書黃香傳。香博覽經典。窮精理道。肅宗詔香詣東

**釋**觀讀所未見書。漢東京圖書。悉在東觀。天下無雙

江夏黃童。見黃香本傳。來觀氣降。謂多未見書也。抱朴

子五經為道義之淵海。南史意淺于江。以今之深見昔

之淺也。慎音張畫繪也。言圖書羅天地之秘。釭登也。

景福殿賦。落帶金釭言。壁江映星辰之奇。藜火用劉向

校書青藜照讀事。勘校也。陸游詩。日射勘書窗。綆繩也。修長也。韓詩。汲古得修綆。莖莖音莖。撞音狀。擊也。魏志。萬石之鐘。不可以寸莖起音。荳莖。黃庭堅詩。要我賦蘭荳。韓詩。龍文百斛鼎。筆力可獨扛。喻言筆力強也。疏對起工。整字字典切。是先從東觀說來。下乃承情詔義。讀深海一聯。寔切未見寫。天地一聯。切東觀書寫。蔡火一聯。從讀書上點染。修綆一聯。透發所以宜。讀之故。地依一聯。束全題未。乃高一層作結。評海深江淺。恰是未見真情。修綆一聯。亦善取喻。寫宜註。讀更透。前後出筆大雅。亦無不稱題。此題較天祿閣校書事難寫。以有未見書三字。此修陳東觀書。不是題義。太看早讀書之人。又不合本傳。此作寫詔讀之恩。得讀之幸。俱有斟酌。至於聲調高華。險韵巧押。乃其餘事。

### 青藜照讀

湯大紳



題不切本事。固不扣題。不解用。借。觀。旁。托。亦。無。手。解。法。此。詩。具。有。不。粘。不。脫。之。妙。可。為。拙。滯。者。導。竅。

漢有芸臺彥。中宵靜校經。忽傳太乙火。言是老人星。日借

黃衣彩。龍啣紫燭形。袖書何候久。扶杖且徐聽。字燦初橫

蚪。囊香不聚螢。自他光有耀。識我客真靈。斑管同增彩。金

蓮欲映青。餘暉分聖照。長願讀槐廳。

箋漢書劉向夜校書天祿閣有老人黃衣植青藜杖叩  
釋問而進吹杖端火照之曰我太乙之精天帝聞卯金  
之子博學下而觀焉芸臺漢藏書處老人星即南極  
日旁有黃人守之則外國來降李賀詩下有啣燭龍史  
記張良于圯上為老人納履老人約以後五日早會比  
至期往老人已先在怒曰後何也後良夜半往乃喜曰

當如是出一編以授良。和書句暗用此事。又賈山上書  
日臣聞山東吏布詔命民雖老羸瘵疾扶杖而往聽之  
下句暗用此事。曾恭王修孔子宅得壁中書皆蝌蚪文  
字。裴瑒車允事光遠而自他有耀。語見左傳。詞客有靈  
應識我見溫庭筠詩。梁元帝筆有三品或以斑  
竹爲管。金蓮寶炬也。槐廳末土院第三廳也。  
疏四句完題。用唐人舊法。直敘事起。三聯特爲黃衣青  
義。蔡作襯托。四聯點化舊事。借疏大義。五聯又爲照讀  
作襯貼。六聯又爲照讀作烘寫。七聯借斑管  
金蓮爲青蔡作點綴。末切校書寓意作結。  
評詩以敘事還題最忌重沓。此詩額聯用筆何等輕倩  
註詩家運事疏。題最忌牽強。此詩袖書聯運化何等融  
洽。自他有耀爲照字傳神。亦復新不涉腐。○詩須典核  
要。知不在。填實拈來便是。極不相類。事用來恰好關合  
字。須新穎要知不在。濃縟雖極閒淡語用  
來無不深穩靜。叅名作會心。正不在遠。

鑿壁偷光

金 牲

題此等題若必執定題字呆作雕鏤便無雅趣得解其用意祇好以借襯旁托出之方見大雅

鄰壁寧堪鑿餘光幸可偷研經窮暮景舉燭費前籌既詘

焚膏力聊為鑽穴謀自他常有耀於我更何求映雪愁難

得囊螢乏久收藩籬誠得閒去聲徑竇豈同羞別具傳薪理

括○來○便是○

真無過隙憂專精資巧取佳話解頤不

箋漢書匡衡傳衡家貧無燭鄰舍有燭乃鑿壁引其光釋而讀○史記貧女語曰子燭光幸有餘子可分我餘光膏油也韓文焚膏油以繼晷恒兀兀以窮年映雪孫康事囊螢車允事爾雅樊藩也郭註謂藩籬徑小路竇

小穴君子不徑不竄見朱子小學稽古篇傳薪見莊子  
指窮于爲薪火傳也不知其盡也。人生天地之間如白  
駒之過隙亦見莊子。匡衡善解詩語曰匡語詩解人頗  
見漢書。不與否同韵會未定之詞白詩平生似此不  
疏起聯先清題字。承聯我出題義。三聯正還題面四聯  
義渾寫題義。五聯用原題法是所以偷光之故。六聯用  
反托法是善原鑿壁之巧。七聯又足題義。未

結到本人身上。直以輕放完題更不涉滯。

評詩句最忌板放遂令語無生趣善用反正開宕之筆  
註則語見圓相矣看此詩平起語句之間何等跳脫三  
四原題展局以下遂句承接圓轉如珠全由筆活而用  
古尤妙在融化無痕映雪四句通接甚緊而氣脉却寬  
又善于養局別具二句詞意雋妙結還出處亦復隱秀  
○藩籬徑實是從鑿壁上生情傳薪過隙又從偷光上  
生情皆熟于襯貼法遂令題字無不托出解此打照詩  
句自有不粘不脫左縈右拂之妙何慮題字之少題位

之。窄。

# 摘藻艷春華

焦紹祖

題藻詞藻摘音他舒也言文章詞藻如春華之艷解也是以春華比文章烘寫艷字宜用雙開語

圖冊西清富騰輝盡國華。好將五色筆結作一春花。注硯  
霏紅露含毫綻綺霞。叢叢攢意蕊點點散詩葩。浣去疑成  
錦籠來。好倩紗薰香和日麗。摘艷映風斜。秋實知同採朝  
雲莫浪誇。揆天原有藻。黼黻在皇家。

箋題句係潘尼詩見文選。西清翰苑也。語云文章華  
釋國齊書江淹夢得五色筆梁簡文帝詩文章舒意便

韓文詩正而葩。五代周仁裕夢江水浣其腸胃。王播詩  
如今始得碧紗籠。杜牧詩。濃薰班馬香。高摘屈宋艷。魏  
志採庶子之春華。忘家丞之秋寔。李商隱詩。莫將花  
粟寄朝雲。宋之間詩。終乏挾天材。○第三句五字倒。  
疏破從正義起。先按住摘藻。下乃承出艷如春華。以下  
義六韵。俱用襯貼法。寫艷寫摘。秋寔一聯。又用圓題法。  
義綿包盡。末用高一層。  
作結。補點藻字更清楚。  
評承聯用串通之筆。生動有致。中幅用硯毫意詩等字。  
註。恰是藻。不呆。說是花。用露霞叢點香艷等字。又確是  
華確。是艷。此雙閑之妙也。浣錦籠紗作襯貼。亦典切。薰  
香摘艷。一筆雙鉤。更妙。極現成。○運化之妙。固本。腹。寄  
亦根。性。靈。腹。筍。不充。卽搜盡枯腸。總無一字。是以專事  
油腔。若性根不靈。縱多讀多記。皆歸卽板。臨時獺祭。不  
過逐件臚陳而已。未能俯拾。卽是那能着手成春。是編  
詳解正爲鈍根人說法。特非少帶性靈。未必一覽便曉。

言之易

入耳。

漢宮人誦洞簫

李尚美

題此等題原無甚深義然就題還題正難解措手須看此詩布置妥當描寫出色處處筆致活潑

作賦推斑管。摘華在洞簫。誰將詞嫋嫋。傳八苑迢迢。麗句蒙天賞。佳音倩慧調。錦心流字字。繡口啟朝朝。香叶參差韻。歌盈婉婉宵。問奇紅袖指。擊節玉釵搖。錦帙繙頻共。烏絲寫倍饒。更憑明月夜。吹得鳳來朝。

音潮

箋漢書王褒傳元帝為太子時嘉賞褒洞簫賦令後宮釋貴人皆誦讀之○班管謂筆摘率謂作賦嫋與裊誦

迢迢遙深之意蘇賦客有吹洞簫者倚歌而和之又餘  
音嫋嫋倩藉也藉慧口人調之也麗句切賦佳音切誦  
錦心繡口亦是用作分貼參差韻謂簫婉婉音宛晚禮  
內則婉婉聽從有好事者載酒問奇字見楊雄傳魏晉  
之世有孫識善擊節唱和繙同翻烏絲紙界格也吹簫  
可以引鳳杜牧詩二十四橋明月夜玉人何處教吹簫  
疏洞簫謂賦八手卽清作賦有眉目下乃通入宮人誦  
義賦語更飄逸有致誦賦有來歷麗句句清出元帝嘉  
賞來佳音句拍合到宮人以下六句一句貼賦一句貼  
誦無不工細錦帙二句又借繙寫爲誦字作推闡末卽  
借洞簫生情用吹簫引

鳳事作結更極自然

評洞簫是賦非寔咏洞簫是宮人誦賦非泛誇王褒賦  
註手詩將王褒賦之佳製與宮人誦之雅韻俱用對寫  
清思麗句層見叠出驚其才大忘其韻險○凡讀詩須  
選有思路有才氣諸作熟玩詳參則心源汨汨而來矣



勿貪看平熟板寔等題。徒便抄寫。作詩須研入。題中又必置身題上。空濶不滯。則生機潏潏動矣。亦勿愛作平熟板寔等題。謂易成章。

穆如清風

沈啟震

題題是以清風取喻。比吉甫作誦。其冲和宜人。解也。明出如字點清後。通用夾寫。方為合法。

作誦含毫遠如風。取象精元音何沕。穆高韵最輕清。欸欸微能動。冷冷御欲行。宛然涼意好。但覺躁心平。得句宜秋曉。披襟稱去聲月明。永懷君子德。深入故人情。詞擬中郎贈。詩推謝女評。吹噓依聖世。雅頌愧歌賡。

箋詩大雅崧高篇吉甫作誦穆如清風穆和也言吉甫

作此工歌之誦其調和人之性如清風長養萬物狀

。物音物。物穆深微貌。詩序孔疏感而不切微動昔風

莊子逍遙篇列子御風而行冷然善也周子淡則欲心

平。和則躁心釋蘇詩清風定何物可愛不可名所至如

君子草木有嘉聲。杜牧早秋詩清風故人來。蔡邕答對

元式詩君子博夾貽我德音詞之集矣穆如清風晉書

謝元嘗問毛詩何句最佳道韞稱吉甫作誦穆如清風

有雅人深致。

疏四句清題首句點作誦尤有冒目。欸欸二句虛寫風

義定宛然二句正清如字得句二句用襯貼寫永懷二

句從對面寫詞擬二句引事作証。

未就風頌美作結仍不脫題首

評庚辰集評寫清風不難但苦脫却如字直是咏風耳

註即寫清風後再我如字亦是敷衍還題題中四字句

詩法淺說

卷五

本朝典制

七

熟課定本

句合寫此為純用中鋒。用中鋒非大力者不能。故詩家多用襯貼旁托法。討巧處正不可少。

其人如玉

紀昀

題題以人為主。非泛賦玉也。因人想到玉。即以解玉比人要。句句傳出。想像之神。方合題味。

空谷。高人往。風流想見之。每當吟。宛在輒欲賦。溫其緬彼。千金質。蕭然一褐披。誰家生玉樹。之子是瓊枝。潔白平生許。雕鏤幾度施。蒹葭空見倚。琬琰最堪思。好識連城璧。休言無當聲。卮憑看裴叔則。朗朗照人時。

箋詩小雅。白駒篇四章。皎皎白駒。在彼空谷。生芻一東。釋其人如玉。詩秦風蒹葭篇。所謂伊人。宛在水中央。

又小戎篇溫其如玉。史千金之子家語被褐懷玉謝元  
曰譬芝蘭玉樹欲使其生子階庭耳。又王戎神姿高嶷  
如瑤林瓊樹潔白謂玉之質雕鏤謂治玉之工毛曾與  
夏侯元其坐人謂之蒹葭倚玉樹琬美玉也岷山之  
女曰琬曰桀刻其名于茗華之玉連城壁見史記玉  
卮無當見韓非子李白稱裴叔則朗朗如玉山上行  
疏起聯虛喝其人次點如玉以下雙管齊下是玉是人  
義無非善繪如字圓光緬彼聯用申通法誰家聯用指  
點法潔白聯用關照法蒹葭聯用借觀法好識聯  
用旁觀法末引舊事作結又好在是玉恰是人  
評不難其句句是玉難其句句是人如字乃跳躍行間  
註他手用觀貼用打照皆凡筆也。試律佳境不過聲  
調鏗鏘詞米鮮艷而已題入先生手能作虛字能傳虛  
神筆善走而不停氣既鍊而不滯雖極板重題而運筆  
甚輕出語必活無不着紙欲飛真試律中獨闢之境至  
其對仗之工掉轉之靈奏泊之妙無一不足啟人思路

長人才情學者欲窺金豹當覓先生全集讀之

### 得意忘言

吉夢熊

題題句本超妙作詩更着不得一呆語只渾解寫題意而四字又各有着落手法超絕

但識真詮妙誰煩費許辭畫前原有易象外更傳詩山碧

詮得真意

上下

雲生處天青鶴點時此中皆活潑以後總支離自得無絃

閑鍵

詮忘言

操寧勞日出巵拈花方欲笑應手不須爲水穀何心渙風

蕭一任吹鳶魚超聖契卽與漆園期

箋題出莊子雜篇外物言者所以在意得意而忘言意釋安得夫忘言之人而與之言哉真詮猶言真解程

子詩須信畫前原有易。詩品超以象外得其環中。五燈會元有時雲生碧嶂。月落寒潭。戴表元詩初晴鶴點青邊嶂。朱子語類活潑潑地是禪語否。曰是俗語。支離猶分散。言各有科。條分散而難通。晉淵明有無絃琴。曰但解琴中趣。何勞絃上聲。卮言日出。見莊子。言因物隨變。日出不窮也。傳燈錄釋迦在靈山會。手拈花示衆。迦葉見之微笑。遂傳以正藏法眼。莊子得之于心。應之于手。易象風行水上。渙王世貞文風行水上。渙爲文章。風定波息。與水相忘。淮南子堯之治天下也。若風之過蕭。忽然感之。各以清濁應矣。莊子曾爲漆園吏。疏起四句。挾題之根。山碧四句。寫得意。以自得聯作閑義鍵。一句承得意。一句拍忘言。拈花四句。正寫忘言。結用頌揚。卽補清出處章法。最清意思亦蕭然高寄。

評在神趣上探取。勿容沾沾句下。題係子語。篇中卽

引諸子及佛經作証佐。此用本地風光法也。若多作理語。則腐相。題行文尤須因題設色。可以意通之。

射中正鵠

龔學海

**題**中去聲。正平聲。正鵠是射之的。題眼祇在「中」字。要得射者之意。方好下筆。勿呆相題面。

○選○成○語○入○詩○新○題○

仁者當如射儀。今不出正立。惟知已鵠發。必待循聲。豈乏

正鵠分疏

穿楊技。無忘破的名。日懸朱綠。映風入豹。熊清。君子何妨

○中○字○正○而○

失周官。不教爭弓。開和月滿。鏃去見心。平兼有蘋蘩節。終

須德藝成。澤宮樂選士。審固告司旌。

**箋**朱子中庸註。畫布曰正。棲皮曰鵠。正音征。讀作平聲。**釋**孟子。仁者如射。詩齊風。終日射侯。不出正兮。禮射

者射已之鵠。又孔子曰：循聲而發，不失正鵠。善射者百尺能穿楊葉。詩：舍矢如破。的，準也。周禮：禮正去蒼白。書以朱綠。又司裘：諸侯則供熊侯。李白詩：過月開張弓射雉。賦：鯨牙低鏃。心平望審。禮射義：大夫以采蘋爲節。士以采蘩爲節。又禮：德成而上，藝成而下。澤宮，卽太學。禮：天子選士習射于澤宮。司旌射中則舉之。疏：原正意起，承破四句。全運用成語。全題分晰，何等穩義。稱豈乏句作一跌勢。無忘句拍合中字。朱綠貼正，熊豹貼鵠。君子兩句又作翻襯之筆。弓開兩句乃正寫中字。兼有二句用收束。末乃進一層作結。評題重在中字。入手處却從失字。一面着想，正得題意。註：此謂聽題有聲，故出筆不滯。○詩與文同聽題之法，皆不可不講。莫謂五字七字中卽無口氣無神理也。題解一則，非爲一題備講，而引伸之妙，專以望諸解人。

應試詩法淺說詳解卷五終



應試詩法淺說詳解 卷六

古東郡跋奚葉蓀評註

近科詩墨 二十首

八韵

山呼萬歲

戊申 河南 監臨畢 程

題凡典故題須序清事實點明出處方有眉目

解此題尤須頌揚得體凝重不佻方為肖題

紫蓋蟠雲漢黃旗映碧嵐崇班羣嶽冠去聲歡意萬靈含音

似卷音阿矢籌從海屋探辰居星拱北午位極當南寶瑞

疑森五金鞭宛聽去聲三精誠空際出噓吸靜中涵若管諧

詩法淺說

卷六

詩墨

塾課定

驚吹

去聲

瑞笙應鶴膠。豫遊隆上軌。父老洛濱談。

箋

漢書武帝紀。詔曰。朕親登嵩高。御史乘屬在廟旁。吏

釋

卒咸聞呼萬歲者三。紫蓋嶽頂最高峯也。月令。天

子載黃旗。矢陳也。詩大雅卷阿篇。來游來歌。以矢其音。

神仙傳。海水變桑田。輒下一籌。今滿十屋矣。瑞寶玉也。

書乃輯五瑞。金鞭朝時所設。其聲三響。天子

乃升。若管鸞吹瑞笙。皆仙樂。崔駰仙騎也。

疏。先從武帝登封中岳說起。是原題法。次聯暗透山靈

義。歡呼之意。是渾承法。五六用矢音醒呼字。用海籌醒

萬歲字。是借點法。七八作比喻。是証佐法。九十旁托呼

字。借點三字。是襯托法。十一十二乃透寫所以山呼之

故。是實疏題義法。十三十四又為呼字作旁襯。是

點綴法。未就父老傳聞稱頌宸遊作結。是頌揚法。

評典重題着。輕佻語俗弱字。不得對起工整。字字典

註重。方振得全勢起。其餘拈詞練句。亦無不凝重有力。

雅與題稱。惟岳崧高氣象尊。  
對看諸墨。一覽衆山小矣。

# 敦俗勸耕桑

得登字

丙午 山西主考吳程

題耕桑兩字。法應分還而題義却重在上。三字作  
解詩又不得徒寫題面。忘却題義。方謂虛寔兼到。  
本富宸衷切河東況股肱耕催春雨賦桑沃黛雲凝簠簋  
參差集筐釣上下承平鋪針疊疊斜依瑛層層信是田蠶  
渥欣看禮教興思深敦以厚風古勸兼懲敢謂分疆域從  
教設愛憎輶軒勤問處唐俗幸先登

箋題句出唐明皇曉登太行言志詩宣風問耆艾敦俗  
釋勸耕桑。後漢書河東吾股肱郡簠簋農人禦雨具

貼耕。筐鉤條桑之具。貼桑。針指秧葉指桑。亦分貼也。轄軒使車也。詩稱唐為堯舊都。後屬晉其地土瘠民貧。勤儉質樸。憂深思遠。

有堯之遺風焉。

疏一起直挾題義。從勸字頂上透出。討源而入。筆意超義絕。第二句運用恰合。尤擅勝場。次聯清出眉目。三四

兩聯。乃分還題面。第五聯用一紐。我到上截。六七兩聯

醒敦醒勸。字字真切。此謂清新。不涉俗

艷。收結開合。有法。天然如意的。是名程

評。此是文家裁發。格熟極生巧。有此圓通。時手不能。

註。此題元作點染風華。吐屬新艷。自是當行出色之作。

其中聯循句。點點相聽。歌薄采菱。是從耕桑反面作視

托正。為勸字正面寫元神。下聯其耘晨鼓。月載績夜園

燈。點染亦復風雅。玩其引用。新不涉艷。巧不傷雅。是詩

家新花樣。是時墨出色。

法可摘錄以備揣摩。

四時爲柄

聯捷 蔡振中

題不從柄字。茫。想。空。疏。四。時。失。却。驪。珠。矣。爲。朽。更。解。能。寫。出。定。理。不。祇。以。問。照。法。行。之。此。謂。精。到。

玉燭徵時若珍符似柄然天工神運掌日就佛音仔肩政

字。字。字。字。字。

典居辰撫農書令甲懸東西郊迭迓左右个頻遷信寄中

音。於。權。對。

央位元爲四德先璣衡原在握珠斗自輝躔兩以精能執

三無馭不偏百昌欣茂對行健倍乾乾

箋禮運聖人作則必以天地爲本以陰陽爲端以四時

釋爲柄。爾雅四時調謂之玉燭文選聖皇乃握乾符

開坤珍書天工人其代之詩日就月將學有緝熙于光

明佛時仔肩示我顯德行史記著令甲註政典次第月

令天子迎春于東郊。迎秋于西郊。孟夏居明堂左个。季冬居元堂右个。五行中央爲土。分寄四時。在人爲德。爲信。易元者善之長也。璇璣玉衡。察天之器。舜執兩用中。禮記奉三無以勞天下。易无妄大象。先王以茂對時育萬物。乾卦象。天行健。君子以自強不息。

又爻詞君子終日乾乾。夕惕若。厲無咎。

**疏**一起醒時字柄字。次韵點化成語。疏明爲柄正義。三義前寔貼柄字。四韵分還四時。五韵圓題。又用補幹法。六韵借襯柄字。七韵補足題義。

未乃從時字作結。歸到頌聖。

**評**起便字字工整。幾費琢練。趨時之作。全脫俗徑。原評註額聯神佛虛寔借對。人巧極。天工錯矣。思路之高。點化之妙。自是聰明絕頂。未許俗子問津。對不難。工策恐涉板參。以虛實語自活。便句亦生動。通體不呆。疏四時全從柄字上落想。題面題義無不情透。運事下字。更能處處主裁。

東壁圖書府

得東字

庚子 歐陽燾

題題有府字則圖書可用鋪陳但須

解帶定東壁方不嫌脫畧上兩字

調○御○

壁○本○文○章○府○圖○書○錦○軸○充○斗○旋○光○耀○北○奎○近○氣○騰○東○古○瑞○  
○字○切○  
稱○龍○馬○奇○形○識○鳥○蟲○牙○籤○標○月○令○藻○繪○獻○幽○風○萬○象○包○羅○  
外○三○餘○誦○讀○中○山○河○名○不○一○甲○乙○部○原○通○藏○許○石○渠○富○校○  
希○天○祿○工○聖○朝○頒○四○庫○珍○秘○仰○宸○衷○

箋張說恩賜麗正殿書院賜宴詩東壁圖書府西園翰

釋墨林石氏星經東壁之星主文籍天子圖書之秘  
府也天官書北斗七宿為帝之車運乎中央奎十六星  
為天之武庫伏羲時河中龍馬負圖書斷倉頡仰觀奎

星園曲之勢。俯察龜文鳥跡之象。合而爲字。月令禮記篇名。邠風詩篇名。抱朴子。五經爲道義之淵海。子書爲儒深之川流。晉武帝分秘府圖籍爲甲乙丙丁四部。石渠天祿兩閣名。皆漢藏圖籍處。

疏首句先點壁字。次句點圖書。二韻醒東字。三韻四韻義分貼圖書五韻六韻又合疏府字七韻借藏書兩閣爲府字作襯末歸到頌美作結。

評琢語工。練調響典。重高華。是題須此筆寫之。他作註多用渾寫。此作中聯。圖書特用分疏。更極典切。朱墨有聯月。明紫火。照雲流。碧紗龍爲壁。星作襯托。涉想極超。迎事尤雅。紫火用劉向天祿閣事。碧紗龍用王播客木蘭院事。

# 燈右觀書

乙未  
會試  
失  
名



**題**是題賦觀書不難難在不脫燈右不走易  
**解**路正須從難着筆處落想則句句貼切

裴几觀書靜。篝燈夜色籠。好偕圖列左。如倚壁居東。照影何嫌側。迴光恰在中。簡分深柳碧。穗結半簾紅。漏永輝斜月。帷輕護晚風。記言人未及。銘座位差同。豈話窓西別。毋虛硯北功。然藜登秘閣。博古副宸衷。

**箋**題未詳所出。裴几以文木作几也。王羲之詣門生釋家。見裴几滑淨。因書之。真草相半。聳音溝。燠籠也。古人左圖右書。張說詩東壁圖書府。簡竹簡。王維詩深柳讀書堂。穗燈花所結。禮天子言則右史書之。動則左史書之。古人座右有銘。劉向天祿閣校書有老人然藜以照。見劉向別傳。

疏一起點明書字燈字。次韵借左圖東壁夾出右字。三

義韵正疏右字。四韵點染燈字。五韵又借風月襯寫書

燈。六韵正通右字。七韵又用西窓北硯。

反托右字。末韵從觀書生義頌聖作結。

評人多舍難就易。此獨因難見巧。名句叠出。乃令人一

註讀一擊節。為題有右字。便想到左圖右書。想到右

史記言。想到座右有銘。惟有精思。乃成名句。艱于構思

縱有敷佐。亦搜尋不到。難于句句精切。而襯托法。總

不可少。篇內側影迴光。意西

硯北皆。是為右字作襯托也。

青蔡照讀

得吹字

癸卯 福建 游光繹

題序事輕便。出筆不滯。點染生

解動。設色亦雅。此題能事盡矣。

何處純青氣。熒然杖未吹。羣書方博極。靈曜已潛窺。倚几

藤初卓開函鏡有資光。生虛室靜影墮碧天。遲好奪蘭高  
艷疑分桂魄奇。宵深忘寂默。精感獲扶持。東壁文章燦西  
京斗望垂。崇文逢聖代。中秘可能披。

**箋**劉向別傳向校書天祿閣有老人黃衣植青藜杖叩  
**釋**而入吹杖端烟燃與向說開閣以前向因受五行洪  
範之文至曙而去曰我太乙之精天帝聞卯金之子有  
博學者下而觀焉。靈曜星精也。莊子虛室生白蘭膏  
謂燭桂魄謂月壁星名。主文籍詩倬彼雲  
漢爲章于天。韓子學者仰之如泰山北斗  
**疏**入手先從青藜杖說入。次韵乃醒照讀三韵爲初照  
**義**時虛景四韵爲正照時寫景五韵正疏藜火借燭月  
作陪寫六韵乃疏明寔義透寫所以然  
七韵收來放寬籠題末用頌揚作結

**評**間雲出岫輕逸自生亦起境之最佳者是作有焉一  
**註**氣流走輕鬆生動毫不吃力方之畫家當屬逸品○  
詩義有須洗發處一經疏明題蘊悉透此詩  
第六韵與山呼萬歲題第六韵皆是此法

### 經訓乃菑畬

己亥 浙江 陳鴻漸

**題**正義是經訓作詩處處須向菑畬上落想方閑  
**解**照有情不解此訣則題義不醒並題竅亦失

不殖憂將落橫經信不虛講仁同播種陳義卽菑畬學圃

苗頻藝心田莠必除築場登二酉納稼課三餘獲豈盈箱

若荒真宅草如庭宜書帶植家已石倉儲汲古時尋綆搜

奇自滿車便便誇腹笥何假百城居

箋題出韓昌黎詩。田不耕曰菑。田三歲曰菑。○左傳學  
釋猶殖也。不殖將落。禮運修禮以耕之。講學以耨之本  
仁以聚之。播樂以安之。史立苗欲疎。非其種者鋤而去  
之。二西山名。魏董遇口。讀書當以三餘。詩千斯倉萬斯  
箱。汲冢周書。務耕而不耨。惟草其宅之。鄭康成有書帶  
草。曹會積石爲倉以藏書。號曹氏書倉。韓詩汲古得修  
綆。史記溝篲滿車。後漢邊韶云。腹便便。五經  
笥。李永和謂丈夫擁書萬卷。何假南面百城。  
疏直透正義起點經字。次韻承清菑畬。以下俱用對寫  
義學圃聯。是用喻意影正意築場聯。是以正意合喻意  
盈箱聯。作一反比。一正比。書帶聯。是一借襯。一正襯。  
汲古聯。又從題后推闡。未仍雙閑正喻兩意作結。  
評雙閑之法。全在雨下。打照未可拘于一面。看此作點  
註。寫字典。運化事寔。無一字不從菑畬。畬上生情。却無一  
句不是。是向經訓上收攏。故能正喻皆見。雙管齊下。試律  
中此類題極多。須解此秘。方不窘手。○沈緝園作善。撰

虛字。琢句更新運化尤巧。中聯耕乎忘餒在業也。戒荒於。又豈爲芸人計而言學稼如俱用文言入詩異樣出色。亦屬時尚。渭川千畝竹題有句簣如歌有斐。苟矣咏斯干。點化詩詞簇簇生新。均可爲法。

### 賢不家食

失名

**題**此題着重在食字。却用不着。呆寫食字。體會養解。賢正義而題面只以映帶法出之。斯爲大雅。

聖主賢爲寶。榮分尙食隆。衡門踪乍遠。列鼎賜何豐。饘粥懷前志。簞瓢易素風。大官頻受錫。厚祿愧無功。幸汲清時福。寧殊道味充。良農有黍稷。鳴鳳在梧桐。澤洽需雲外。膏流湛露中。願將蔬水業。調煥辨和同。

箋易大畜彖詞。不家食吉。養賢也。○所寶惟賢。詩衡門  
釋之下。可以棲遲。鼎烹飪之器。醴粥疏食也。簞食瓢飲  
見論語。易井卦爻詞。可用汲。王明並受其福。詩大雅黍  
稷翼翼。言農者之所獲也。小雅風風鳴矣。于彼高岡。比  
多士濟濟之象也。需大象。雲上天。需君子以飲食宴  
樂。詩小雅湛湛露斯。匪陽不晞。飯疏食飲水。亦見論語  
據亦同也。焉得為和。和如羹焉。齊之以味。濟其不及。  
以洩其過。見左傳昭公十九年。晏子對齊景公語。  
疏八手。即從養賢說入。得題主腦。先點清食字。次韻即  
義承清不家食。三韻先從對面寫。四韻乃從正面寫。五  
韻放鬆說還食字。六韻用映照法疏賢字。七韻收足養  
賢正義。末韻收到賢者身上。仍開合食字作結。  
評善從家食。一而着想。以便轉合。不字。句句得養賢本  
註旨。題義題面。兩兩俱到。○此等題極難着筆。白描易  
於涉俗。運用又恐入腐。既須典切。又必雅飭。乃為入格。  
近科多摘經語命題。可熟玩此等題作法。○有一聯舊

業。樵。蘇。外。新。豐。酒。醴。中。全。不。粘。煞。寫。食。字。語。極。大。方。元。作。中。聯。帝。有。調。羹。望。臣。思。作。醴。功。更。極。名。貴。

圭璋特達

得真字

戊申 江南 黃丕烈

**題**圭璋所以喻德特達自應  
**解**切定行聘時講方不涉泛

器以圭璋重良工賞鑒真深藏因待聘特達為去聲交鄰駟  
馬寧同獻文皮弗並陳德從君子比信藉大夫申世豈虞  
懷璧人當識賤珉允宜推國寶洵不愧儒珍渭水璜思尙  
崑山玉記詵佇看天府貴儀度肅垂紳

**箋**禮聘義圭璋特達德也疏行聘之時惟執圭璋特得  
**釋**通達不加餘幣言人之有德亦無事不通不須假他



物而成也。○易君子藏器于身待時而動禮儒有席上之珍以待聘享禮庭實用虎豹之皮無皮則以乘馬代之禮聘義君子于玉比德焉左傳匹夫無罪懷璧其罪聘義君子貴玉而賤珉國語楚國無以為寶惟善以為寶尚書中侯曰太公釣于磻溪得玉璫晉書郤詵傳劉策為天下第一猶桂林一枝崑山片玉疏首韵明點圭璋次韵清特達三韵疏明特字四韵補義明德字融會題義五六兩韵俱為主璋字抬高身分七韵為玉作徵佐末仍扣本題正位作結

評剝落一切習見語方新徒襲用成詩色澤便舊此題註成詩儘多尤難出色如第七聯之用事練句押字另具匠巧讀之則簇簇生新矣。○是題黃作有聯士謂飽知已人占利用賓運用成語亦新是時尚出色法。

### 崑山片玉

得珍字

戊申  
陝西譚淮元

**題**片玉本旨原屬自謙作詩祇作貴重義  
**解**寫立言得體尊題有法可以意通之

地啟崑山秀靈鍾片玉珍瑤林經萬選金粟卽前身瘦似  
從刀削堅還謝石磷痕侵孤月影稜映遠峰皴鶴羽分攜  
潔鷺肪寸截勻品應儕五瑞價自重千緡剪出桐圭薄鐫  
成楮葉新冰壺清共印待聘莫求人

**箋**晉書郗詵傳武帝問詵曰卿自以爲何如詵對曰臣  
**釋**舉賢良對策爲天下第一猶桂林之一枝崑山之片  
玉○張鷟文詞如青錢萬選發迹經云淨名大士是往  
古金粟如來列子昆吾刀切玉如泥磷薄也論語不曰  
堅乎磨而不磷魏文帝與鍾繇謝玉玦書白如截肪五  
端五等諸侯所執以合符于天子者也書輯五瑞史成

王以桐葉爲圭。戲封弱弟康叔。列子宋人有以玉爲楮葉者。三年而後成。鮑照詩。清如玉壺冰。禮儒有席上之珍。以待聘。

疏首韵點醒全題。次韵承清題義。以下俱就片字作刻義。割瘦似聯。是推原片字。痕侵聯。是形容片字。鶴羽聯。是刻劃片字。剪出聯。是北方片字。末韵乃結到正義。開合時事。收足題義。

詩不肯寬泛用筆。通從片字上生情。是文家走窄路法。註琢句修詞。自爾新穎異常。凡題各有要字。所謂詩眼也。不從題眼上落想。命意便不中肯綮。不從題眼上着筆。鍊語亦少警切。審題用筆。制勝之法在此。

### 造化鍾神秀

得宗字

丁酉  
山東李光時元

題曰神曰秀。歸之造化獨鍾。此岱嶽之所以稱解宗也。作詩不能寫出東岳大處。便不肖題。

摩○霄○青○一○色○知○是○萬○山○宗○震○山○神○全○聚○坤○生○秀○特○鍾○自○東○

開○壽○域○逾○海○躍○蟠○龍○湧○日○端○倪○豁○爲○霖○德○澤○醲○巖○巖○瞻○氣○

象○歷○歷○溯○登○封○雲○起○崖○飛○練○濤○鳴○壑○應○去聲松○儲○精○資○國○福○

作○鎮○獻○民○庸○幾○度○邀○天○翰○奎○光○澈○九○重○

箋杜甫望嶽詩岱宗夫何如齊魯青未了造化鍾神秀  
一覽衆山小○易說卦萬物出乎震震東方也易坤大  
象○至哉坤元萬物資生○薛道衡老氏碑納蒸民于壽域  
泰山考長白山來脉甚大一支過海成泰岱云云岱有  
日觀峯可觀日出國語泰山之雲觸石而出膚寸而合  
不崇朝而雨遍天下周禮河東曰兗州其山鎮曰  
岱山又司勳國功曰功民功曰庸天翰震章也

此用渾破。滿大稱題。次聯醒神。秀字清題。而以下四  
獨鍾方確切泰山。七韵束題末韵。  
結到幸岱留詩。開合到時事作收。  
評詩家爭勝全在起結。格律穩稱。而首尾平俗。縱中多  
註。警聯未易出色。惟破空而起。突兀峰嶸。則全神振動  
矣。似此作起聯。何等超脫。何等峻拔。詩有自然句。有苦  
索句。自然句。春容大雅。不煩思索。有自在。游行之樂。多  
根。諸性靈苦索句。鍾字。鈴句。幾費琢  
練。見慘澹經營之功。蓋得之。學力。

恭賦

御製五嶽卓為宗

庚子 山東杜 漢元

題不抑他嶽題中卓字不出。不帶他嶽題中宗  
解字亦不醒。尊題有法。須以高華典重還之。

岱嶽鍾神秀。稱宗古制隆。天開羣物祖。地闢長男宮。勝各

臨滄海尊宜表大風衆山星拱北絕頂日生東鬱律形如  
礪岩堯秩視公齊州青未了帝座氣先通匪直凌衡霍還  
看俯華音嵩供詩兼迓蹕長此贊元功

箋五嶽者東岱西華南衡北恒中嵩也。杜詩造化鍾

釋神秀書至于岱宗禮統天地元氣所生萬物之祖也

易說封震爲長男左泱泱乎大國之風也表東海者其

太公乎杜詩一覽衆山小論語譬如北辰居其所而衆

星共之。日觀峯在岱絕頂雞一鳴時見日始欲出長三

丈所韓詩杲杲寒日生于東嶽律山高峻貌漢書泰山

如礪岩堯亦山高貌禮五嶽視三公杜詩齊魯青未了

李白登華山落雁峯曰此山最高呼吸之氣上通帝座

疏起從泰山直入醒宗宇次聯承出卓宇以下四韵寫

黃岱岳大處皆是疏明所以卓爲宗處七韵乃清五岳

未韵開合時事。

切合東岳作結。

評題熟則意境難新。欲求出色。須於措詞練句中留心。註不用習見語。則警切必有。典故佐之。不作順落語。則生動必以疑練出之。人生于寅。帝出乎震。額聯點化此意。為東岳開生面。便是不經人道語。此謂奇關。此謂警切。凡限韵字。須着意押。勿求順手。此題限東字。本熟。此作押東字。却新。此謂生別。最易豁目。

蓬瀛不可望 得秋字

丙午 北直 蔡振中

題蓬瀛喻言登第也。不可望三字。須寫出神山飄渺。解縹緲難。即之境。帶出仰正。不盡之神。方合情事。

仙境憑誰到。蓬瀛目幾畱。山非蟠地起。水自接天流。近帶傍三島。遙臨外九州。嘉疑依市現。變想逐潮收。蛋雨空粘。

履樵風漫引舟飛來同鷺竺合處失羅浮舊識殊凡界還

期選勝遊。鑿坡瞻有日。雲路仰高秋。

箋唐太宗秋日詩蓬瀛不可望泉石且娛心。博物志

釋海上有三神山以金銀為宮闕仙人所集列子五山

高下周旋三萬里仙聖之所往來其根無所連著常隨

波上下云云又崑崙山有三島禹分天下為九州蓊溪

筆談漢書云海旁有蜃氣為樓台登州海中時有雲氣

如宮室樓台陸歷可見謂之海市史記封禪書求至望

之如雲及到三神山反居木下臨之風輒引去西湖志

虎林山前晉時西天僧云此是天竺國靈鷲山小嶺

不知何日飛來初學記羅浮二岳以風

雨而合離蓬萊三山隨彼濤而上下

疏起聯渾破全題次聯承明題義三韵寫蓬瀛之仙跡

義難近四韵寫蓬瀛之奇幻難測五韵為望字証寔傳



不可禁之神六韵爲神山設喻盡不可望之象七  
韵畧作反逗借趨下句末韵寓意作結恰合時事  
託於題上二字語語盡象恰于題下三字句句這神筆  
註意靈活一塵不染近科試律最重九趨新言全在  
脫俗是作字法句法無一不新氣味神理無一不超是  
極合風氣之作是題有聯心營憑象罔目巧失離婁  
寫不可望超妙八神聞  
此君卽以是詩獲選

海日照三神山得東字

丙午 林志仁

天外三峯削何時落海東似隨潮上下先照日曠曠境向

虛無竟籌添歲月同佛螺圓鏡秀仙髻朶雲紅暖吹去千

年樂長乘平聲萬里風通明光碧殿照耀水晶宮鸞鳳層霄

卷之三

上魚龍白晝中星槎如可到。擬住碧玲瓏。

箋唐人有海日照三神山賦。三神山蓬萊瀛洲方丈

釋也。崔顥詩天外三峯削不成。列子三山其根無所依

着常隨波上下。又初學記蓬萊三山隨波濤而上下。曠

聰說文曰欲明也。揚雄贊老聃著虛無言乘虛無而上

假。見大人賦海屋添籌見神仙傳。佛螺仙髻喻神山。宋

宗慤曰願乘長風破萬里浪。光碧殿西王母帝后見穆

天子傳逸史。盧杞嘗騰上碧霄。皆

水晶為牆有女曰此水晶宮也。

疏先從神山說入。是倒破法。次韵乃點明日照。是四句

義。牙破法。三韵安放三山。四韵正寫日照。五韵寫神山

之景。六韵寫日照神山之景。七韵乃就

海山中之鱗羽作點綴。末韵寓意作結。

評試律起語最忌直率無味。看應試名作無不留心着

註韵若順出題字。趁手點明。則平平無勢矣。

洞庭秋月 得浮字

**題**是題若拋荒上兩字則凡泛咏秋月  
**解**題皆可移用矣欲求的以須扣木題

望重湖迥君山眼底收沙明湘浦夕月湧洞庭秋八九  
吞雲夢東南逼斗牛星疎隨岸濶水遠覺天浮蓀蔴懷三  
楚烟波渺十洲魚龍驚不夜河漢赴西流何處聞長笛誰  
家漫倚樓勝遊仙路近應上木蘭舟

**箋**洞庭湖西岸有沙洲故南名青湖北名洞庭所謂重  
**釋**湖也君山在洞庭湖中史吞雲夢者八九其于胸中  
曾不蒂芥蓀蔴昔香草見楚詞水經魚龍以秋日為夜  
又古有日夜出于東萊故萊于立城以不夜為名杜甫

詩河漢聲西流趙嘏詩殘星數

點雁橫塞長笛一聲人倚樓

疏首韵先從洞庭說起次韵乃點明月字以下五韵寫

義秋月句句帶定洞庭三四六韵寫洞庭之時景五韵

七韵帶寫望月者之情

懷未直就題寓意作結

評秋月好寫但非切定洞庭則寬泛不着題矣寫境必

註按切時地方的切不易此作寫秋月高華切定洞庭

語尤濶大自是名手○詩中有人在凡懷古即事皆須

識得此意即寫景題亦當如是大抵景到而情寓焉言

之有物詩味方厚此末可單于試律中求之

是詩風味雋永寄懷曠遠格律直逼唐人

竹箭有筠

得如字

癸卯監試沈 拔

題

是借以喻禮非泛賦竹明限如字可知題

發矣故中聯須用雙關之筆方得題義

嘉植東南勝。名材竹箭儲。丰標從外耀。美盛本中虛。苞折  
雷聲後。筠浮雨滴初。放梢青欲竦。解籜綠全舒。秀色嵐光  
合。清芬俗障祛。膩裝殊粉黛。絢采重璠璣。素艷和風扇。濃  
陰湛露漙。猗猗歌有斐。聖學琢磨如。

箋禮器其有人也。如竹箭之有筠也。如松柏之有心也。  
釋有筠喻言致飾于外。有心喻言貞固于內。爾雅東南  
之美。有會稽之竹箭焉。也叢生而固也。詩如竹苞矣  
筠竹之青皮。拾遺記蓬山有浮筠之簞。嘗有青鸞集其  
上。戴凱之竹紀竹始生日筍。竹皮曰箨。竹節曰約。竹叢  
曰篔簹。陸游詩山光秀可餐。韓文粉白黛綠璠璣美玉名  
逸論語璠璣魯之室也。猗美盛貌。詩衛風淇竹猗猗有斐君子。

疏首韵明點竹箭次韵暗承有筠三韵乃明點筠字四  
義韵賦筠字正面五韵賦有筠正義六韵爲有筠作觀  
托上韵放寬束題求韵仍從竹  
上関合到人恰好借押如字  
評認真筠字措語皆関合到人身上乃能兩面俱到若  
註泛賦竹矢題義矣故作詩全在認題○中幅賦有筠  
細膩不俗結韵押如字尤警快絕倫人之增釋方諸  
有筠君子之琢磨比之有斐頌聖恰好的切不移

清露被臯蘭 得深字

癸卯 湖北鄭永江 元

題是露被臯蘭非等泛賦秋露法  
解應兩層雙結力合中遞題作法

清露當秋下。臯蘭被澤深。流珠光錯落。入葉氣蕭森。月彩  
凝逾淨。煙痕淡欲沉。含芳知竟體。霏屑悟同心。秀比階庭

玉涼生木葉吟涉江人遠望警夜鶴鳴陰蘅芷香還薄兼  
葭采未禁何如紉佩者恩渥最能任

**箋**阮籍咏懷詩清露被皋蘭疑霜露野草○江淹別賦  
**釋**秋露如珠梁書謝覽意氣閑雅武帝目送曰覺此生  
芳蘭竟體普胡母輔之吐佳言如鋸木屑罪罪不絕易  
同心之言其臭如蘭世說謝太傅問子弟何預人事而  
正欲使其佳車騎答曰譬如芝蘭玉樹欲其生於階庭  
耳楚詞九歌湘夫人篇嫋嫋兮秋風洞庭波兮木葉落  
古詩涉江采芙蓉鶴至秋夜露降即鳴以相警蘅芷皆  
香草見楚詞兼葭葦屬見詩秦風楚詞紉秋蘭以為佩  
**疏**入手醒題對點露蘭次韵承明被字三韵寫皋蘭之  
**義**景色四韵寫皋蘭之臭味五韵就時景寫題六韵就  
人物托題七韵用陪筆末韵歸到  
本位一氣流走全用唐人舊法

評申題必從兩路夾寫方能鉤取全題神理  
註有如是題蘭露若用開講則被字便寫不出

桂殿蘭宮

題題屬兩項法應分疏然中間若不雙稍又嫌脫  
解暑看此作桂蘭分還又能帶定宮殿極有手法

高閣臨江渚祥光接斗牛宏開宮殿麗秀發桂蘭幽繞砌  
含芳遠穿簾積翠稠庭餘空谷佩座挹小山秋玉露階前  
潤天香檻外浮氣清人在室花好月當頭一序傳佳景千  
年紀勝遊錦帆從此布風送到瀛洲

箋王勃滕王閣序中聯鶴汀鳬渚窮島嶼之縈迴桂殿  
釋閣宮分同聯之體勢○序後詩滕王高閣臨江渚又



序首段龍光射斗牛之墟。孔子猶蘭操。幽蘭空谷。無人自芳。淮南小山招隱士曰。桂樹叢生兮山之幽。阮籍詩。清露被皋蘭。駱賓王詩。天香雲外飄。家語與善人居。如入芝蘭之室。虞喜安天論。月中有桂樹。

**疏**首韵清題出題是原題法。次韵點明題字是醒題法。義中四韵分貼兩項是還題法。七韵總收是束題法。求借題自喻作結是寓意法。

**評**首從題之出處說入。點明題字後。以下四韵。句句桂蘭分貼。七韵一束。以便結住。律法穩合。○桂蘭分貼得法矣。然使脫去宮殿則亦泛。咏花題矣。與滕王閣序此處何涉。中間結定宮殿妙祇用庭字座字階字檻字在室當頭字。鈎醒之。解此則扣題有法矣。○序中原有射斗牛之虛語。第二句不為趁韵。

綠葉素榮

得紛字

癸卯 湖南 方

筠

題不解是咏橘則題字無可指寔從何處着  
解筆故題解宜清至于設色端稱尤須肖題

擷芳傳橘頌佳植紀氤氲葉借層巒翠榮舒素艷紛結根  
原抱潔聳秀獨超羣古樹浮烟白新林浥露芬蕊蘭招漣  
浦薜荔共湘雲未寫題封句曾垂作貢文陸懷探有待潘  
賦擬同云霜落知香信秋光顯顯分

箋題出離騷經惜往日章綠葉素榮紛其可喜公謂橘  
釋也。九章中有橘頌篇異物志橘爲樹白華而赤實  
既馨香又有嘉味子虛賦橘柚芬芳湘君篇沅有芷兮  
澧有蘭又罔薜荔兮爲帷韋應物詩封後欲題三百顆  
洞庭尤待滿林霜書揚州厥包橘柚錫貢吳志陸績年  
六歲于九江見袁術術出橘績懷三枚拜橘墮地術謂

曰陸郎作賓客而懷橘乎答曰

欲歸遺句徭奇之○漕音禮

疏入手卽清出處題目已醒次韵點明題字三韵疏素

義定四韵川烟露烘染素字五韵用蘭荔襯托橘字六

韵爲橘尋典故七韵用舊事

作証佐末推到題后作結

評賦物題首貴典切尤重雅飭此題于橘樹苦無數佐

註設色便俗作試律腹笥宜充未可恃枯腸誇白戰也

詩固句句典切雅與題稱○烟浮古樹露浥新林于綠

字素字烘染由色寫來覺洞庭秋色宛然在目第五韵

澧蘭湘荔用楚詞本色語爲橘樹作襯托亦復新艷動

人○葉是橘葉榮謂橘花元作額聯叢倚于條翠花隳

一樹雲分點更

醒語尤韶秀

鯢化爲鵬

得騰字

癸卯沈清瑞元

塾課定

題鯢鵬二字不必拈寔直從化字寫則筆筆

解凌空矣詩拈寔字便板詩拈虛字便靈

蒙莊談物理變化有鯢鵬水擊三千捷風搏九萬能天容

垂浩蕩雲氣助奔騰碣石揚鬐出南溟鼓翼與升沉驚顛

易飛躍妙相乘大力培多日晴霄澈幾層徵奇同雉蜃志

怪異鳩鵲咸若觀儀舞齊諧詎足稱

箋節錄莊子北溟有魚其名曰鯢鯢之大不知其幾千  
釋里也化而為鵬鵬之背不知其幾千里也怒而飛其  
翼若垂天之雲是鳥也海運則將徙于南溟○莊子蒙  
人也名周水擊三千里搏扶搖而上者九萬里俱莊子  
語碣石在冀州河口海水之濱南冥天池也培厚也莊  
子風之積也不厚則其負大翼也無力故九萬里則風

斯在下矣。而後乃今培風。月令仲春之月。鳩化為鷹。孟冬之月。雉入大水為蜃。齊諧者誌怪者也。

疏入手清出處。卽點明全題。次聯鎔莊子原文。寫出化義字寔境。三韻寫化時景象。四韻分貼鯉鵬。五韻渾疏化字。六韻單從鵬字落想。是說到題后。七韻借他物之化者作襯貼。末用高一層收結。

評試律詩。以高華重爲貴。遇此等題。尤須氣象崢嶸。胎而出。筆力正復相埒。○額聯用原文恰合。中聯寫化字入妙。末用高一層頌聖作結。壓題有法。識力更高。人數倍。卽此可元。○論起境之佳者。當以第八名周作爲最。千里垂天翼。滄波一日升。因時神變化。觀物妙飛騰。亦復可元。

# 應試詩法淺說卷六終